

摘藻堂四庫全書薈要

子部

欽定四庫全書薈要

子部

御定淵鑑類函卷三百五十二

詳校官兵部主事臣雷純

欽定四庫全書薈要卷一萬一千八百

子部

御定淵鑑類函卷三百五十二

居處部十三

橋 道路
封疆

橋一


說文曰橋水梁也東楚謂橋為圮爾雅云梁莫大

於梁郭璞注梁即橋也或曰梁石橋也石杠謂之倚

亦石橋也廣志云獨木之橋曰權曰約

權水上橫一木
為渡約今謂之

畧增尚書發鉅橋之粟詩云造舟為梁唐書百

官志曰諸津令掌舟梁霸橋永濟橋以勲散一人蒞之
天津橋中橋以衛士拚掃便橋渭橋萬年三橋有丞河
渠令供祀事則自便至東渭橋禁民漁 原初學記曰

凡橋有木梁石梁舟梁謂浮橋即詩所謂造舟為梁者

也周文王造舟於渭秦公子鍼奔晉造舟於河

在蒲坂夏陽津

今蒲坂浮橋是其處

秦都咸陽渭水貫都造渭橋及橫橋南渡長

樂宮漢作便橋以趨茂陵

對便門作橋故亦謂之便門橋

竝跨渭以木

為梁漢又作霸橋以石為梁長安又有飲馬橋洛陽魏

晉以前跨洛有浮橋洛北富平津跨河有浮橋即杜預
所建又有車馬橋鄂坂有黃橋吳有朱雀橋歷晉逮王
敦反後改為乘雀橋又有枝橋羅洛橋張侯橋張昭所
造故名之又有赤欄橋白虎橋雞鳴橋蜀有七橋一沖
里橋二市橋三江橋四萬里橋五夷里橋六竿橋七長
升橋云李冰造上應七星又有雁橋漢安橋廣一里半
又有陰平橋升仙橋相如題者襄陽有木蘭橋一名豬
蘭橋鼠雀谷有魯班橋上方有鬼橋陝城有鳴橋清河

有呂母橋章安有赤蘭橋上虞有百官橋仇池有博山
橋覆津橋鹿角橋泗水有石橋張良遇黃石公處也東
海有石橋秦始皇造過海也後涼有通順橋在燉煌後
燕有五丈橋此皆魏晉以前昭昭尤著者也 三輔黃

圖曰秦始皇兼天下都咸陽營殿端門四達以則紫宮
渭水貫都以象天漢橫橋南渡以法牽牛 增黃圖曰
橫橋三輔舊事云秦造漢承秦制廣六丈三百八十步
置都水令以掌之號為石柱橋 六典曰水部凡天下

造舟之梁四河三洛一河則蒲津大陽萌津洛則孝義也石柱之梁四洛三灞一洛則天津永濟中橋灞則灞橋也木柱之梁三皆渭川也便橋中渭橋東渭橋此舉京都之衝要也巨梁十有一皆國工修之其餘則所管州縣及時營葺張說蒲津贊曰舊制橫絕百丈連艦千艘辯修竿以維之繫圍木以距之亦云固矣然每冬冰未合春泣初解流澌崢嶸綆斷航破無歲不有開元十二載授彼有司俾鐵代竹賦晉國之一鼓法周官之

六齊結為連鎖鎔為伏牛偶立於兩岸襟帶於中潭鎖以持航牛以繫纜亦將厭水物莫浮橋奔測不突積凌不隘述征記曰方輿縣鬼橋忽一夜聞人呼喚聲車行雷駭曉而石橋自成家家牛皆喘息未定段國沙州記曰吐谷渾於河上作橋謂之河厲長一百五十步兩岸累石作基陞節節相次大木從橫更鎮壓兩邊俱來相去三丈竝大材以板橫次之施勾欄甚嚴飾帝京景物略曰右安門外南十里草橋唐時有萬福寺寺

廢而橋存其北土近泉宜花居人以種花為業冬則蘊
火暄之十月中旬牡丹已進御矣橋去豐臺十里中多
亭館元廉右丞之萬柳堂趙參議之瓠瓜亭栗院使之
玩芳亭要在彌望間高林疎柳沿溪夾岸依依有江南
之色 故宮遺錄曰紅門內數十步許有河河上建白
石橋三座名周橋皆啄龍鳳祥雲明瑩如玉橋下有四
白石龍擎戴水中甚壯繞橋盡高柳鬱鬱萬株遠與內
城西宮海子相望 又曰西出內城臨海子海廣可五

六里駕飛橋於海中西渡半起瀛洲圓殿環為石城圜門散作洲島拱門以便龍舟往來由瀛洲殿後北引長橋上萬歲山高可數十丈皆竒石因形勢為巖壑輟耕錄曰萬歲山前有白玉石橋長二百餘尺直儀天殿後橋之北有玲瓏石擁木門五門皆為石色內有隙地對立日月石西有石棋枰又有石坐牀左右皆有登山之徑縈紆萬石中洞府出入宛轉相迷至一殿一亭各擅一景之妙山之東有石橋長七十六尺闊四十一尺

半為石渠以載金水而流於山後以汲於山頂也 燕
都遊覽志曰出東便門有大通橋水從玉河中出波流
演迤帆檣往來可達通州二三園亭依澗臨水小舫從
几案前過林間桔槔相續大類山莊 明實錄曰京師
九門舊有木橋今悉易之以石兩橋之間各有水閘濠
水自城西北隅環城而東歷九橋九閘從城東南流出
大通而去

橋二

增拾遺記曰舜命禹疏川奠嶽濟巨海則鼃鼃以為橋

梁 原紀年曰周穆王三十七年伐楚大起九師至於

九江比鼃鼃為梁 增水經注曰霸水古曰滋水秦穆

公更名以顯霸功水上有橋謂之霸橋 原蘇子曰微

生與婦人期於梁下不來水至抱梁柱而死或作尾生 史

記曰秦昭王四十九年初作河橋 燕丹子曰燕太子

丹質於秦秦王遇之無禮乃求歸秦王為機發之橋故

以陷丹丹過之無虞 戰國策曰豫讓欲為智伯報讎

趙襄子當出伏於橋下至橋馬驚曰必是豫讓也求之
果是 增黃圖曰始皇造渭橋鐵鐻重不能移乃刻石
作力士孟賁像祭之鐻乃可移動今石人在 漢書曰
代王乃進渭橋羣臣拜謁稱臣 原史記曰文帝行中
渭橋有一人從橋下走出乘輿馬驚使騎捕之屬廷尉
廷尉張釋之治問曰縣人來聞蹕匿橋下見車騎即走
耳張釋之奏一人犯蹕當罰金

漢書同詳
載設官

增漢書曰

元帝初元中酹祭宗廟出便門欲御樓船薛廣德當乘

輿車免冠頓首曰宜從橋 黃圖曰霸橋在長安東跨

水作橋漢人送客至此橋折柳贈別王莽時霸橋災數

千人以水沃救不滅更霸橋為長存橋 水經曰穀水

又東出屋南逕建春門石橋下橋之右柱銘云陽嘉四

年詔書以成下漕渠東通河濟南引江淮方貢委輸所

由而至使中謁者魏郡清淵馬憲監作石橋梁柱勅工

匠盡要妙之巧 原論衡曰高麗國有侍婢自云有氣

如雞子來下我故有身後生子曰東明東明善射王恐

害其國欲殺之東明走之淹水以弓擊水魚鱉浮而為

橋梁既渡魚鱉解散

事載魏畧
詳鱗介

增華陽國志曰萬里

橋在成都蜀使費禕使吳諸葛亮送之於此歎曰萬里

之行始於此橋因名萬里橋 水經注曰諸葛亮表云

臣遣虎步監孟琰據武功水東司馬懿因渭水漲攻琰

營臣作竹橋越水射之橋成遂馳去 魏志曰曹公西

征馬超多設疑兵潛以舟載兵入渭為浮橋夜分兵結

營於渭南 原王隱晉書曰杜預起建河橋於富平津

衆論以為周所都經聖賢而不作者必不可作故也預
曰造舟為梁則河橋之謂也遂作橋成上從百官臨會
舉杯勸預曰非君橋不立也預答詔曰非陛下之明臣
亦不獲奉成聖訓也衆咸稱善 增襄陽耆舊傳曰猪
蘭橋其名荻蘭橋橋之左右豐蒿荻於橋東劉季和大
養猪襄陽太守曰此中作猪屎臭可易名猪蘭橋初如
戲言而百姓遂以為名矣 水經注曰趙建武中造浮
橋於延津上採石為中濟石無大小下輒流去用功百

萬經年不就石虎親閱工作沈璧於河明日璧流渚上
波蕩上岸遂斬將而還 隋書曰夫餘王得河伯女而
生一卵一男子破卵而去名曰朱蒙夫餘之臣欲殺之
朱蒙東南走遇一大水曰吾河伯外孫於是魚鱉積而
成橋遂渡 元和志曰大陽橋長七十六丈廣二丈架
黃河為之在陝縣東北三里貞觀十一年太宗東巡遣
武侯將軍丘行恭營造 又曰天津橋在河南縣北四
里隋大業元年初造以鐵鎖維舟鈎連南北夾路對起

四樓其樓為日月表勝之象貞觀十四年更令石工累方石為脚 舊唐書曰初都城洛水天津之東立德坊西南隅有中橋及利涉橋以通行李上元中司農卿韋機始移中橋置於安衆坊左街當時夏門都人甚以為便因廢利涉橋所省萬計然歲為洛水衝注常勞治葺李昭德創意積石為脚銳其前以分水勢自是竟無漂損 又曰金橋在上黨南二里常有童謠云聖人執節渡金橋景龍三年帝經此橋之京師 又曰鐵牛纜橋

蒲橋在蒲坂夏陽津天下之要津也唐明皇詔鑄鐵牛
八頭柱二十四條連鎖三十二條山架八所牧人八枚
於中流分立亭亭有虹蜺之狀實萬代之奇絕也 又
曰史思明自魏至王師南潰郭子儀以朔方軍保河陽
斷航橋以控賊 又曰建中四年命韓游瓌拒朱泚於
便橋劉德信以東渭橋有積粟十萬斛癸亥進此東渭
橋十一月李晟自蒲津濟軍於東渭橋 唐舊史曰裴
度集賢里有風亭水榭梯橋架閣 又曰王周四鎮皆

有善政定州橋壞覆民租車周曰橋梁不修刺史過也

乃償民租治其梁 唐詩紀事曰雍陶典陽安送客至

情盡橋問其左右曰送迎之地止此故橋名情盡陶命

筆題其柱曰折柳橋自後送別必吟其詩曰從來只有

情難盡何事名為情盡橋自此改名為折柳任他離恨

一條條 逸史曰崔生入山遇仙女為妻還家得隱形

符潛游宮禁為術士所知追捕甚急生逃還山中隔洞

見其妻告之妻擲其領巾成五色虹橋渡崔追者不及

矣 傳奇曰元徹柳實二人泛海抵孤島上見玉虛尊
師南冥夫人拜謁求歸路夫人曰有百花橋可行俄有
長橋上有異花二人登岸回視已無橋矣 五代史曰

李存進為振武軍節度使築德勝兩城往來頗以為勞
而河北無竹石乃以葦竿維大艦為浮橋莊宗大喜解
衣以賜之 六帖曰杜重威朔州人契丹寇真定轉運
使李谷敬重威以三脚木為橋募敢死士過河擊賊
宋會要曰景德四年西京新造訾店渡橋賜名奉先

又曰祥符四年詔洛水橋名迎蹕渭水橋名省方 又

曰祥符四年改蒲津橋曰大慶 又曰祥符五年車駕

臨視新造延安橋先是七日戊辰徙汴河廣濟橋於相

國寺前榜曰延安又作橋跨惠民河榜曰安國 又曰

祥符六年詔昇平名曰迎真以欽迎真像由飛梁登寶

座故也 又曰祥符六年賜南薰門惠民河新橋名曰

延 皇祐三年以惠民河新作橋為安濟橋 又曰祥

符六年賜太清東澗水橋名曰崇真亳州北門外澗水

橋曰靈津應天府穀熟汴水橋曰按蹕開封陳留汴水
橋曰凝祥 宋史曰洛陽橋在福建泉州府城東北跨
洛陽江郡守蔡襄建先是海渡歲溺死者無算襄欲壘
石為梁慮潮浸不可以人力勝乃遺檄海神遣一吏往
吏酣飲睡於海厓半日潮落而醒則文書已易封矣歸
呈襄啟之惟一醋字襄悟曰神其令我廿一日酉時興
工乎至期潮果退舍凡八日夕而功成費金錢一千四
百萬 會要曰治平三年初河中浮梁用鐵牛八維之

一牛數萬斤後水漲絕梁牛沒於河真定僧懷丙以二
大舟實土夾牛維之用木鉤牛徐去土舟浮牛詔賜懷
丙紫衣 又曰熙寧六年熙州浮梁成賜名永通橋延
州浮梁成賜名寧和橋 又曰紹聖二年申嚴黃河浮
橋之禁揭於兩岸 又曰政和四年宋昇奏西京端門
前考唐洛陽圖舊有四橋曰穀水又橋之上十里有石
堰曰分洛自唐以來引水入小河東南入伊 又曰政
和五年詔居山至大伾山浮橋名天成大伾至汶子山

浮橋名聖功 六帖曰康承訓屯海州作機橋維以長

絙賊半渡絙絕士半溺死渡者不得戰殲之 北盟會

編曰宣和五年金人遣趙良嗣過盧溝橋即焚橋梁次

舍 元掖庭記曰順帝為英英起採芳館於瓊華島癸

巳秋乘龍舟泛月池上池起浮橋三處每處分三洞洞

上結綵為飛樓樓上置女樂橋以木為質飾以錦繡九

洞不相直達 革除備遺錄曰李景隆徵兵諸路合五

十萬引兵渡盧溝橋遂圍北平築九壘於九門又結九

營於鄭村壩景隆攻麗正門幾破城中婦女竝乘城擲瓦景隆令不嚴驟退北平守益堅內閣藏書目錄曰永樂十五年鼎建北京宮殿有瑞靄浮空金水橋河冰凝結浮圖諸像又慶雲呈彩團圍如日當御座中且現五色天花於是大小臣工咸為歌頌有聖德瑞應詩二十卷宣宗實錄曰宣宗三年命通州修白河富河橋梁四年上謂行在工部尚書吳中等曰天氣向寒白河等處人難徒涉不當治橋梁中奏惟白河水深沙溜橋

梁難成宜用官船為梁以濟餘皆用民修治從之

橋三

原造舟

鞭石

上詳前一
欲渡海觀日

齊地記曰秦始皇作石橋

出處始皇以術召石石皇

行至今皆東首隱軫
似鞭撻癡勢似馳逐

飛洛

浮河

成公綏洛襍賦曰
飛橋浮濟造舟為

梁春秋後傳曰赧王二
十八年秦始作浮橋於河

舉杯

受履

上詳前二
史記曰張良

嘗遊下邳圯上有一老父衣褐至良所直墮其履圯下
顧謂良孺子下取履良因長跪授之父以足納履笑去

作期來云孺子可教

潛犀

陷馬

常璩華陽國志曰
蜀郡蒲江有七橋

直西門郢

江曰沖里橋西南石牛門曰市橋下石犀所
潛泉也魏志曰景元四年伐蜀鍾會先命牙門將許

儀在前理道會在後行而橋穿陷馬足於是斬儀

蒼蛟

白獺

曰義興郡志怪

者長橋下有蒼蛟吞噉人周處執劍橋側伺久之遇出於是懸自橋上投下蛟背而刺蛟數創流血滿溪自郡

渚至太湖句浦乃死周處風土記曰陽羨縣前有河有大橋下有白獺將有兵動獺出穴口西向而皐

厲

溴梁

段國沙洲記曰吐谷渾於河上作橋謂之河厲長一百五十步橋兩岸累石作趾階節節

相次大材縱橫更相鎮壓下詳前一

萬里

五丈

常璩華陽國志曰蜀郡大城南門曰

江橋自江橋南渡曰萬里橋西上曰夷橋從沖里橋西北逝曰長升橋崔鴻後燕錄曰慕容垂與劉牢之戰

於五橋澤晉大敗車騎慕容德等引兵要牢之五丈橋牢之馳馬跳五丈澗會苻丕救至而免

應星

似虹武常璩華陽國志曰李冰造七橋上應七星故光似虹武謂吳漢曰安軍宜在七星橋間也周處風

土記曰陽羨縣前有大桥南北七十二丈橋中高起有似虹形袁君所立也

牽牛飲馬

上詳前二 三輔故事曰漢丞相夏侯嬰墓在飲馬橋東入道南今俗人謂之馬冢

張侯呂

母山諫之丹陽記曰大長安道西張侯橋者本張子布宅處也 郭緣生述征記曰壽張縣梁山際清水呂

母宅在山北東北過 車馬 螭龍 華延俊洛陽記曰水呂母梁積石猶在 城西車馬橋去城

三十里 張衡思玄賦曰服 擊楹 折柱 環濟吳紀 靈龜以負砥 巨螭龍之飛梁 曰孫權赤

烏八年夏有雷霆犯宮門柱又擊商津大桥楹 魚豢 魏畧曰景初中洛陽城東橋城西橋洛水浮橋三柱三

折三柱三公象也時徭役 比龜鼉 浮魚鰲 並詳 大興三公垂頭隱匿故也

張飛斷 吳漢鋸 蜀志曰先主為曹公所追張飛拒後 據水斷橋無敢近者 東觀漢記曰

公孫述大司馬田戎將兵下江闕至南郡
據浮橋於江上吳漢鋸絕橫橋大破之

漢宣登

晉惠舍

漢書曰宣帝自甘泉宿池陽宮蠻夷君長侯王
迎者數萬人夾道陳上登渭橋咸稱萬歲王

隱晉書曰惠帝太安二年
九月丁丑上舍於河橋

尾生期

豫讓寢

抱朴子
曰尾生

與婦人期於橋下水至不去以至溺死雖有信不如無
也樂資春秋後傳趙襄子遊於園中至於梁馬卻不
肯進青筭為勝乘襄子曰進視梁下前類有人青筭進
視梁下豫讓卻寢佯為死人青筭云長者且有大事

駕黿鼉

填烏鵲

文選駕黿鼉以為梁淮南子
曰烏鵲填河成橋而渡織女

升僊

過師

司馬相如往京師過蜀郡升僊橋題其柱
曰大丈夫不乘駟馬車不復過此橋趙

克國奏治湟陁中道橋七十所令可至鮮水
左右以制西域信威千里如從枕席上過師

雁齒

龜浮

橋有雁齒
續斷航見庾信詩

半月

七星

橋

似半月
下詳前二

梁澁

橋渭

左除道梁澁謂作橋於澁水上
魏崔亮渭水為橋利百姓名崔公橋

達

阻

濟津

司險知川澤之阻而達其道路
注謂以橋梁通之以濟要津

不修

必

葺

薛惠為彭城令石杠不
修事詳驛必葺之功

伐蜀而作

過陳不梁

魏志

鄧艾伐蜀先作浮橋

石沈以繫

水洄而成

晉成都王

單襄公過陳見川不梁

潁字曰章度屯河南阻清水為壘造浮橋通河北
以木函盛石沈之以繫橋名曰石鼃水洄成梁

治

之從時

民不病涉

啟塞從時注云門戶道橋謂之啟
城郭牆塹謂之塞開閉之急不可

一日而闕故墮壞而治之不可限以土功
孟子曰子產脫輶濟人是惠而不知為政十一月徒杠成十二月

輿梁成民不病涉也

增淮陰辱

司馬悔

膝下橋在淮安府城

西即淮陰韓信為少年所辱處

司馬悔橋在新

昌唐司馬子微隱天台山被徵至此而悔因名

伯

通居

慧遠過

此故名

皋橋在蘇州府吳縣閭門內

皋伯通居虎溪橋在九江府廬山東林

寺前慧遠送客至橋則止過虎溪則嘯

植榆置宮

瑣窗抱樓

趙書石勒從幽

州大道滹沱河造浮橋植榆五十里置行宮

大都宮

殿考興聖宮中建小直殿引遼河分流其下甃以白石

翼為仙橋四起

裴航得玉杵

蘇軾捐犀帶

藍田縣即裴航得玉杵白娶雲英處

紹聖

子午

初蘇軾捐犀帶助役東新橋作詩紀其事

丁卯

唐狄仁傑盧氏堂姨居子午橋別墅

丁卯橋在鎮江府城南晉元帝子哀鎮廣陵運糧出京口因

水洄奏請立埭用丁卯
日後人建橋遂名丁卯

玩月

觀燈

逸史唐玄宗玩
月羅公遠曰陛

下莫要至月中否取拄杖擲之化為大橋色如銀行數
十里精光奪目至大城闕公遠曰此月宮也仙女數百

素練寬衣舞於廣寒宮公遠曰此霓裳羽衣曲也帝密

記其調遂回却顧其橋隨步而滅幽怪錄唐玄宗謂

葉法師曰四方元夕何處極麗無踰廣陵俄而虹橋起

於殿前師言但無回顧帝步而上高力士等從俄頃到

廣陵陳設之盛燈火之光皆仰

望仙人見於五色雲中帝大悅

懸磴

累石

懸磴石
橋也跨

穹窿之懸磴洛橋水深淙蓄繕者

告勞李昭德累石代柱自是無患

銷魂

歸老
長安

東瀟陵有橋漢時送行者至此折柳送別唐開元遺事

迎新送故皆至此黯然故又呼為銷魂橋曾鞏有歸

老橋

採虹

吹簫

武夷志曰武夷君慢亭晏曾孫有
採虹橋李太白曰來橋躡採虹

揚州二十四橋在府內並以城門坊市為名隋時置唐杜牧寄揚州韓判官詩二十四橋明月夜玉人何處教吹簫後人因鳳凰鳥鵲跨鳳凰橋在松江府城西北名為吹簫橋

故名白居易詩積師得陸羽似道遇葉李沔陽烏鵲橋紅帶夕陽

陵縣有雁橋舊傳有人見雁集西陂覆小兒於下僧史積師得之育三歲不知其姓以易筮之得蹇之漸爻辭

鴻漸於陸其羽可用為儀乃氏以陸名以羽字鴻漸後人因以雁名其橋宋德祐中詔責授宰相賈似道高

州團練使至洛陽橋葉李乃似道為宰相時所謫貶者自漳州召還見於客邸因作一詞贈之曰余歸路君來

路天理昭昭胡不悟公田闕會竟何如子細思量真自悞雷州户厓州户人生會有相逢處客中邂逅欠蒸羊

聊贈一篇映波鎖瀾望山壓堤杭州西湖蘇堤其長短句

瀾望山壓堤東
浦跨虹是也

灞水

盧溝

三輔黃圖灞橋在長安東灞水上李商隱詩朝

來灞水橋邊問

盧溝橋在順天府西南三十五里跨

盧溝河金明昌初建

長二百餘步石欄刻為獅形每早

波光曉月上下蕩漾

吳江絕景

廬山雄觀

長橋在蘇州府

為京師八景之一

吳江縣東門外有七十二洞舊名垂虹橋東西千餘步

橫跨松江前臨太湖乃吳江絕景也三峽橋在廬山

歸宗寺為廬山雄觀蘇轍記水行間聲

玉河

金梁

似雷霆雖三峽之險莫過於此故名

玉河橋在順天府南玉河之上凡三一跨長安東街一

跨文德坊一近城垣金梁橋在開封府汴蔡故道上

竹橋

楓橋

杜甫有竹橋詩暮煙秋楓橋在蘇州

橋四

原詩梁簡文帝賦得橋詩曰浮梁既衝險通波信可陵

乘空寫渭石跨岸擬河冰斜闌隱濁霧布影入清澗方

知歌涿水無復榜蒼鷹又詠壞橋詩曰虹飛亘林際

星渡斷山隅斜梁懸水跡畫柱脫輕朱又石橋詩曰

惠子臨濠上秦王見海神寫虹便欲飲圖星逼似真

庾肩吾石橋詩曰秦王金作柱漢帝玉為梁仙人飛往

易道士出歸難蕭若靜石橋詩曰連延過絕澗迢遞

跨長津已數逢仙客兼曾渡獨人徐摛壞橋詩曰市

欄生閨蘇覆版沒魚衣岸曲斜梁岨何時香步歸 周

庾信省治渭橋詩曰大夫參下位司職渭之陽富平移

鐵鎖甘泉運石梁跨虹連絕岸浮龜續斷航春舟鸚鵡

色流水桃花香星精逢漢帝釣叟遇周王平堤石岸直

高堰柳枝長羨言杜元凱河橋獨舉觴 王褒和治渭

橋詩曰東流仰天漢南渡似牽牛長堤通角道飛梁跨

造舟使者開金堰太守擁河流廣陵候濤水荆陝望陽

侯波生從故舶沙漲涌新洲天星識辨對檢玉應沈鉤

空悅浮雲賦非復採蓮謳 宗羈登渭橋詩曰仲山朝

飲馬還坐渭橋中南瞻臨別館北望盡離宮四面衣裾

合三條冠蓋通蘭香想和季雲起憶成公圯上相知早

雞鳴幸共同 陳陰鏗賦得渡岸橋詩曰畫橋長且曲

傍險復憑流寫虹晴尚飲圖星晝不收跨波連斷岸接

路上危樓欄高荷不及池清影自浮何必橫南渡方復

似牽牛 唐太宗賦得浮橋詩曰曲岸非千里斜橋異

七星暫低逢輦渡還高值浪驚水搖文鷁動纜轉錦花

縈遠近隨輪影輕重應人行 張文琮賦橋詩曰造橋

浮渭日鞭石表秦初星文遙瀉漢虹勢尚凌虛已授文
成履空題武騎書別有臨濠上棲偃獨觀魚 增張九

齡天津橋賜晏詩曰清洛象天河東流形勢多朝來逢

燕喜春盡却妍和泉鮪歡時躍林鶯醉裏歌賜恩頻若
此為樂奈人何 韓愈方橋詩曰非閤復非船可居兼

可過君欲問方橋方橋如此作 杜甫竹橋詩曰伐竹

為橋結構同褰裳不涉往來通天寒白鶴歸華表日落

青龍見水中顧我老非題柱客知君才是濟川功合歡

却笑千年事驅石何時到海東 宋鄭穀垂虹橋詩曰

三百闌干鎖畫橋行人波上踏瓊瑤挿天蟠螭玉腰闊

跨海鯨鯢金背高路直鑿開元氣白影寒壓破大江豪

此中自有銀河接不必仙槎八月濤 劉彥沖洛陽橋

詩曰跨海飛梁疊石成曉風千里渡瑤瓊雄如建業虎

城峙勢若常山蛇陣橫脚底江濤時洶湧望中煙嶼晚

分明往來利涉歌遺愛誰復題橋繼長卿 況志寧百

花橋詩曰波光清淺玉虹橫過客誰題柱上名錦繡鋪
張春色滿小車花下麗人行 蘇軾惠州東新橋詩曰

群鯨貫鐵索背負橫空霓首搖翻雪江尾揜崩雲溪機
牙任信縮張落隨高低轆轤卷巨索青蛟挂長堤犇舟
免狂觸脫筏防撞擠一橋何足云謹傳廣東西父老有
不識喜笑爭攀躋魚龍亦驚逃雷霆生馬蹄嗟此病涉
久公私困留稽姦民食此險出沒如鳬鷖似賣失船壺
如去登樓梯不知百年來幾人隕沙泥豈知濤瀾上安

若堂與閨往來無晨夜醉病休扶攜使君領我言妙割
無牛雞不云二子勞歎我捐腰屨我亦壽使君一言聽
扶藜常當修未壞勿使後噬臍又西新橋詩曰昔橋
本千柱挂湖如斷霓浮梁陷積淖破版隨奔溪笑看遠
岸沒坐覺孤城低聊因三農隙稍進百步隄炎洲無堅
植潦水輕推擠千年誰在者鐵柱羅浮西獨有石鹽木
白蟻不敢躋似開銅駝峯如鑿鐵馬蹄岌岌類鞭石山
川非會稽嗟我久閣筆不書紙尾鷺蕭然無尺筭欲駕

飛空梯百夫下一杙極此百尺泥探囊賴故侯寶錢出
金閨父老喜雲集簞壺無空攜三日飲不散殺盡西村
雞似聞百歲前海近湖有犀那知陵谷變枯瀆生芡蓼
後來勿忘今冬涉水過臍 王安石垂虹橋詩曰三江
五湖口地與天不隔日月所蔽虧東西渺然白漫漫浸
北斗浩浩浮南極誰投此虹蜺欲濟兩間阨中流雜蜃
氣欄楯相承翼初疑神所為滅没生頃刻晨興在其上
傲兀至中是獨監造化工不謂因人力今君持酒漿談

笑顧賓客頗誇九州物壯麗此無敵熒煌丹砂柱璀璨

黃金壁中家不慮始助我皆豪殖愧予獨不可還當采

物力 陸游丁卯橋詩曰裴相功名冠四朝許渾身世

老漁樵若論風月江山主丁卯橋應勝午橋 曾鞏海

棠橋詩曰雁起橫連杜若洲碧欄干影在中流蓬萊日

月遊人到誰道仙風解引舟 元揭傒斯三峽橋詩曰

兩山東飛橋下塹不測淵誰開萬尋鐵逗此無窮泉淙

淙輒空曲洶洶投奔川陽光下照之忽作龍騰天常恐

桑田變中有瞿塘船 黃潛金陵天津橋詩曰五雲零

落渺天涯陳迹蒼茫日自斜畫角已吹邊塞曲紅藍新

長內園花可憐遺老埋黃壤曾倚春風望翠華好在北

山猿與鶴依然同住舊煙霞 明劉西村分題楓橋詩

曰涼風起蘋末送子過楓橋落日聞征雁空江生暮潮

星沉吳渚閣雲入楚山遙歸去秋堪把芙蓉葉未凋

王逢垂虹橋詩曰長虹垂絕岸形勢壓東吳風雨三江

合梯航百粵趨葑田連沮洳鮫室亂魚鳧私怪鴟夷子

初心握霸圖 高啟歸吳至楓橋詩曰遙看城郭尚疑
非不見青山舊塔微官秩加身應謬得鄉音到耳是真
歸夕陽寺掩啼鳥在秋水橋空乳鴨飛寄語里閭休復
羨錦衣今已作荷衣

增賦唐杜顏灞橋賦曰溶溶玄灞兮經秦川之有餘裹
裹紅橋兮代造舟之厥初飛梁默以霞起綵柱暉其星
舒九陌咸湊三條所如連山疊翠而西轉群樹分形而
北疎電透孤棹雷奔衆車白石南登望長安之如綺黃

煙東睇見咸陽之為墟杲杲初霽蕭蕭晚吹登隱者之
翹車度將軍之獵騎日既上已楔于洪源晚具遊宴咸
出國門七葉衣冠憧憧而遙度五侯車馬奕奕而騰軒
鐘鼓既列絲竹亦繁秦聲嘔哇楚舞叢雜帷帟紛其霧
委羅綺靄以雷沓掉輕舸之悠悠順清流之納納時凭
倚以觀眺喜煙花之環合閻伯璵河橋賦曰憑險作
固夾咽喉之重關用否而通連秦晉之長道東西水滸
義非待於秦求襟帶山河固可兼於魏寶爾其憧憧往

還曳曳空間華柱上征殊馬援之標界石臺中聳若鼇
力之負山偉哉武侯時賞茲國況天樞要作限通塞旁
達無垠下臨不測舟形崎嶇似火龍之飲川梁勢編綿
疑海鵬之點翼其拯物也有來斯適其濟時也遐方不
亟張仲素河橋竹索賦曰因大索以橫流俾群材之
攸仰皆恃此以綰繫故不憂夫版蕩徒謂其勁挺為質
連延不一或指遠岸以孤引或自中灘而對出苟易志
而殊途亦齊勞而共逸縱奔漸激射浮湍迅疾駭聲騰

雷驚波奏日雖前後之鼓怒終上下而駢比拔山之倫
扛鼎之足雖則取之大壯抑亦執之或失豈不以順事
安排故能守乎元吉斯乃道濟行路功深模軌人有觀
於投足物寧憂於濡尾 韋充鞭石成橋賦曰在昔嬴
氏八表初吞言巡日域遂瞰海門感召初牽以表迴山
之力峻嶒斯至皆呈見血之痕誠陰陽之不測與天地
而長存當其大駕臨流羣官列位皇威赫其斯震巨石
矧以前至豈惟韞玉皆符投水之姿不俟造舟自叶濟

川之利所以驅汗漫走嶙峋駕巨壑越通津始我我而
聚轉忽蕩蕩而惟新岳立星馳異成名於隕宋神符鬼
助若受命於強秦故得勢壓長源影分高浪似迫官刑
之急如構凌波之壯萬靈却走藹朝景以先驅五色爭
臨杳如虹之可望陸肱萬里橋賦曰目斷波中過巫
峯之十二心馳路半到荆門而五千徒觀夫偃蹇東流
崢嶸二邑揭華表以相效刻仙禽而對立俄驚迴復潮
生而夕月初明孰敢爭先帆去而秋灘正急眇天末之

殊方有人間兮異鄉顧盼而層陰動色徘徊而浮柱生
光飾丹雘以雖同彼臨淮海度軒車而既易此對銅梁
古來幾許行人曾經此路跨綠岸以長存俯清流而下
注寧為駐足之所莫問傷心之故

增銘唐玄宗石橋銘曰梁園勝躅碣館佳遊苔深石暗
山斜路幽橋非七夕節是三秋爰停弄杼共此淹留
張說石橋銘曰玉梁架迥碧沼涵空石鞭海上鎖鍛河
中橫漢飛鵲規天拖虹仙聖來往風雲路通

增記宋蔡襄萬安渡石橋記曰梁州萬安渡石橋始造於皇祐五年四月庚寅以嘉祐四年二月辛未訖功營址於淵醺水為四十七道長二千六百丈廣丈有五尺翼以扶闌如其長之數而兩之糜金一千四百萬職其事者盧錫王實許忠浮屠義波宗善等十有五人既成太守蒲陽蔡襄為之樂合燕飲而樂之明年秋蒙召還京路由是出因記所作勒於岸左

道路一

原劉熙釋名曰道蹈也路露也言人所蹈而露見也

釋名曰塗度也言所由得通度也堂塗曰陳言賓主相迎陳列之處 又曰城下路謂之濠步所用道謂之蹊

增周禮曰遂人凡治野夫間有遂遂上有徑十夫有溝溝上有畛百夫有洫洫上有涂千夫有澮澮上有道萬夫有川川上有路以達於畿 原又曰匠人營國國中九經九緯經涂九軌環涂七軌野涂五軌凡道路之舟車輦互者叙而行之凡有節者及有爵者至則為辟

禁野之橫行徑踰者 爾雅曰一達謂之道路二達謂

之岐旁三達謂之劇旁四達謂之衢五達謂之康六達

謂之莊七達謂之劇驂八達謂之崇期九達謂之逵廟

中路謂之唐 廣雅曰墀軌垣街徑闌闌畎衍道也又

畛塗陳阡陌術亦道路別名 五經要義曰將行者有

祖道一曰祀行言祭祀道路之神以祈也 三輔故事

曰桂宮周遭十里內有複道橫北渡西至神明臺 仕

豫益州記曰江曲由左擔道按圖在陰平北於成都為

西其道至險自北來者擔在左肩不得度擔也鄧艾東馬懸車之處風俗

通曰南北為阡東西為陌增三輔決錄曰長安城面三門四面十二門皆通達九達以相經緯衢路平正可並列車軌十二門三塗洞闢隱以金椎周以林木左右出入為往來之徑行者升降有上下之別郡國志曰雍州軟道在道化門東北十里

道路二

增淮南齊俗曰帝顓頊之法婦人不避男子於路者拂

之於四達之衢今之國都男女切蹠肩摩於道其於俗
一也 原博物志曰文王以太公為灌壇令暮年風不
鳴條文王夢一婦人甚麗當道而哭問其故曰我泰山
之女嫁為西海婦欲歸灌壇令當道有德吾不敢以乘
風雨過 增韓子曰管仲從桓公伐孤竹春往冬返迷
惑失道管仲曰老馬之智可用也乃放老馬而隨之遂
得道 原呂氏春秋曰子產相鄭桃李垂於術 增呂
樂成曰孔子用魯三月男子行乎途右女人行乎途左

財物之遺者民莫之舉 列女傳曰楚野辯女者昭氏

妻也鄭簡公使大夫聘於荆於狹路有一婦人來車與

大夫遇擊折車軸大夫怒將執而鞭之女曰妾聞君子

不遷怒不貳過今狹路之中妾之避也極矣而子大夫

之僕不肯少伺是以廢大夫之車而反執妾豈非遷怒

哉不怒僕而怒妾豈非貳過哉 水經注曰漳水北逕

祭陌西戰國之世徐巫為河伯娶婦祭於此陌西門豹

投巫河中淫祀雖斷絕地留祭陌之名 史記曰張良

至褒中因說漢王燒絕棧道以備諸侯盜兵亦示項王
無東意 原漢書曰惠帝為東朝長樂宮作複道方築
高帝廟南叔孫通曰陛下築複道高帝寢衣冠月出遊
高廟子孫奈何宗廟道上行哉帝懼曰急壞之通曰人
主無過舉今已作百姓皆知矣願陛下益廣宗廟大孝
本也帝從之 又曰文帝行至霸陵是時慎夫人從上
示慎夫人新豐曰此走邯鄲道也 增前漢書曰鮑宣
為司隸丞相孔光四時行園陵官屬以令行馳道中宣

沒入其車馬 又曰王霸為上谷太守治飛狐道堆石

布土自代至平城三百餘里 原東觀漢紀曰逢萌被

徵上道迷不知東西曰朝廷所徵我者為聰明睿智有
益於政方向不知安能濟政即駕而歸 增後漢書曰

建初八年鄭弘為大司農舊交趾七郡貢獻轉運皆從
東治泛海而至風波艱阻沉溺相系弘奏開零陵桂陽
嶠道至今為常路 雜記曰隋煬帝發江淮民十餘萬
開邗溝自山陽至楊子入江鑿渠廣四十步傍皆築御

道植以柳焉 大唐新書曰舊制京城內金吾曉暝傳

呼以戒行者馬周獻封章始置街鼓俗號鼕鼕公私便

焉有道人裴修然歌詞曰遮莫鼕鼕鼓須傾滿滿杯金

吾倘借問報道玉山頽 通鑑曰貞觀二十一年以鐵

勒回紇等十三部內附諸酋長奏稱臣等既為唐民往

來天至尊所如詣父母請於回紇以南突厥以北開一

道謂之參天可汗道置六十八驛各有馬及酒食以供

過使歲貢貂皮充租稅 地里志曰洋州興道有駱谷

路南口曰儻谷北口曰駱谷真符本華陽天寶八載開
清水谷路復置因鑿山得玉冊更名 又曰韶州始興
有大庾嶺新路開元十七年詔張九齡開 唐書曰帝
幸汾陽宮狄仁傑為知頓使并州刺史沖元以道出妬
女祠俗言盛服過者致風雷之變更發卒數萬改馳道
狄仁傑曰天子之行風伯清塵雨師灑道何妬女之為
耶止其役帝壯之曰真丈夫哉 通鑑曰陝州水陸運
使李泌奏自集津至三鑿門開車道十八里以避砥柱

之險 國史補曰度支欲取兩京道中槐樹為薪更栽
小樹先下符牒革陰革陰尉張造判牒曰召伯所憇尚
不翦除先皇舊遊豈宜斬伐乃止 地里志曰貞元七
年刺史李西華自藍田至內鄉開新道七百餘里迴山
取途人不病涉 尚書故實曰李白嘗為蜀道難歌曰
蜀道難難於上青天白以刺嚴武也後陸暢復為蜀道
易易於履平地暢以佞韋臯也 唐新語曰陸象先為
益州長史奏嘉邛路遠請鑿岷之南以從捷近發卒從

役民人不堪多道亡病死左拾遺張宣明監姚雋諸軍
事兼招慰使乃親驗其路審其難險移牒益州曰此路
高山臨雲深谷無影至有斗絕巨險殆不通人跡之徑
者必搏壁傍崖脅息而度雖竟日登頓二十許里木人
猶堪下淚鐵馬亦可蹄穿象先覽之兢惕遽罷役仍舊
路以聞蜀人賴焉 唐史曰高駢鎮安南使者歲至乃
鑿道五所置兵護送其徑有青石或傳馬援所不能治
有雷碎其石乃得通因名道曰天威

道路三

原劇驂

方軌

上詳前二九之通門

左思蜀都賦曰關

龜背

羊腸

許慎說文曰馗九達道也似龜背故謂之馗

魏武帝苦寒行曰羊腸坂詰屈車輪為之推王

智深宋紀曰氏人楊難當居在仇池山高二十里羊腸盤道三十六迴

八達

九緯

上詳

前一注曰國中城內也經緯之塗皆容九軌軌謂轍廣

鹿蹊

馬跡

周易曰艮為徑路鄭玄注曰田間之道曰徑路艮為之者取山間鹿兔之蹊

鄺道

元注水經曰晉昌郡南及廣武馬蹄谷盤石上有馬跡若踐泥中自然之形故其俗號曰天馬徑

九

陌

四衢

漢宮殿疏曰長安中有九陌興書穆帝昇平二年詔曰飲飛

何法盛晉中

吾鵝鳥以辟惡此凶物豈宜妄進於是鞭
饒二百使殿中孫雲監臨於四衢道焚之

迎鐘狗

鐸呂氏春秋曰中山之國有風絲者智伯欲攻之而無
道為鑄大鐘方車二軌以遺之風絲之君斬岸堙谿

以迎鐘隨而攻之而風絲遂亡尚
書曰每歲孟春道人以木鐸徇于路

交會多歧爾

曰五達之康孫炎注曰康樂也交會樂道也列子曰

楊子隣人亡羊率其黨請楊子堅追之楊子曰亡一羊

何追者衆曰多岐路既返問獲羊乎曰亡岐路既多之
中又有岐焉吾不知所之故返楊子曰大道以多岐亡

羊人又多
方喪生
隱金堆石
漢書賈山曰秦東窮燕齊南

金椎樹以青松為馳道之麗至於此也注云隱築也
東觀漢記曰王霸為上谷太守修飛狐道至平城堆石

布土三
百餘里
三條九軌
班固西都賦曰披三條之廣路
立十二之通門
下詳前一

藩竹

樹槐

百環濟吳紀曰天紀二年衛尉岑表修

開大道使男女異行夾道皆築高牆瓦覆或作竹藩

崔鴻前秦錄曰苻堅滅燕趙之後自長安至於諸州皆

夾路樹槐柳二十里一亭四十里一立鄙列亭國

旅行者取給於涂工商資販於道

曰周制有之曰列樹以表道立鄙舍以守道路謂置侯

人官也東觀漢記曰衛尉為桂陽太守鑿山通路列

亭置斬蛇焚鳩夜經澤中有蛇當道高祖拔劒斬

驛蛇為兩徑開數東馬覆輪道上詳前二潘尼惡

里蛇下詳四衢注

峭軌長輪輿顛桂道蘭術七陌九阡劉義恭詩曰

覆人馬什僵

深林冒蘭街曹植詩曰銅駝石牛洛陽大道有

東西經七陌南北越九阡

秦惠王欲伐蜀乃刻石牛置黃金於後曰此天牛能糞金蜀王以為然即遣五丁力士捫成道入蜀使張儀

隨其道

如砥

若水

詩周道如砥文選詩九途平若水

有蕩

無

壅魯道有蕩傳道路無壅

開通

平易

月令三月開通道路無障塞傳曰司空以

時平易

藩塞

樹阻

周禮國有故藩塞阻路而止行者謂閉要路以備姦寇又曰

設國之五途而樹之林以為阻固注五途道路也

設祖

燒棧

二疏告老設祖道供帳

漢王燒絕棧道

必循

不徑

焦先字孝然行不踐斜徑必循阡陌禮道而不徑言孝子慎

除骹

掩骼

謂死人骨及禽獸骨骹禁謂孟春掩骼埋胔之屬

甚夷

且長

老子大道甚夷而民好逕詩道阻且長

保路

閉塗

安道路人楚子西左傳

曰不通
內外使

掌修除

達陷絕

周禮野廬氏掌達國道路至於四畿時祭祀則率其

屬修除

合方氏掌達天下之道路不得津梁陷絕

禁馳騁

禁歌哭

修閭氏禁以兵

革趨行者與馳騁於國中者
行歌哭於國中者

銜枚氏禁

司空視

合方掌

途下詳前

雨畢除

十月塞

國

語雨畢而除道十月塞蹊徑

可南北通子午

楊朱泣岐路謂其可以南可以北王莽通子午谷後漢詔罷子午

道通

端徑術

列樹表

月令孟春端徑術端正也徑步道也術車道也下詳周

禮

死者埋

行者讓

蜡氏掌若有死於道路者則令埋而置揭馬書其日月馬懸其

衣服仕器於有地之官以待其人注蜡七預反

窮車

家語曰西伯化行而耕者讓畔行者讓路

轍

絕輜重

阮藉常率意獨駕不由逕車轍所窮輒慟哭而返

通回

中

築甬道

武帝通回中道陽築為甬道屬之河取敖倉

當孔道

遵微行

西域傳不當孔道微行注微行牆下行徑也

金吾式

青樓臨

漢百官志曰式道掌微巡京師武帝更名執金吾

假虞伐虢

假

陳聘宋

晉侯假道於虞以伐虢聘宋假道於陳道弗不可行謂草穢塞路

隨

山以刊

知阻而達

馬援拜伏波將軍緣海隨山刊道千里周禮司險以周知其山林

川澤之險而達其道路注達者謂山林之阻則開鑿之川澤之阻則橋梁之通道路也

所過糞

除不爭險易

第五倫事詳灑埽道途不爭險易之利

路不拾遺

道無列樹

子產相鄭路不拾遺

羊腸若砥

馬跡如流

通衢

坦途

輦轂

轍迹

增天衢

霄塗

易曰何天之衢道大行也

初學記曰

大路

中達

詩曰遵大路兮又施於中達

遲遲

霄塗嚴遠

跲跲

詩曰行道遲遲中心有違又跲跲周道鞠為茂草

皇衢

古道

皇衢天子之衢

道也

動大路遵皇衢唐詩云蒼黃迷古道

馳道

織路

馳道天子出行之道思玄賦

康織路於四裔斯與彼其何瘳

津途

水逕

初學記曰津途去不迷水逕者即水路藝文

曰後有水逕繚繞回圓

馬陵

鳥道

馬陵道在大名府城東南即孫臏伏弩射龐涓處

鳥道蜀有鳥道言徑窄纔可通鳥耳

陳倉

方軌

陳倉道在漢中成都府沔縣蜀漢曹魏交

戰所 蜀都賦
畫方軌之廣途

飛狐

石牛

飛狐道在廣昌縣北入
懷仁界鄺食其說高祖

塞飛狐之口即此

水經注東南歷小石穿山通道六

丈有餘刻石言漢永平中司隸校尉楊厥所開建和二

年王升琢石頌德蓋

問途

讓道

莊子黃帝將見大
隗於具茨之山方

因石牛道而廣之

明為御至於襄城之野七聖皆迷無所問途焉 虞尚

之君相與爭田久而不平乃相謂曰西伯仁人也盍往

質焉乃相與朝周入其境

回中

陰平

回中道在陝
西平涼府涇

則耕者讓畔行者讓道

州上有王母宮漢武求神仙於此 陰平道在鞏昌府

文縣乃秦蜀門戶鍾會伐蜀姜維請備陰平後主不從

及於

康衢

莊子

列子堯微服遊於康衢聞兒童謠
曰立我蒸民莫非爾極不識不知

難

順帝之則 文

棄灰

積鹽

韓非子殷之法刑棄灰
於街者子貢以為重問

選士民滿莊 旭

之仲尼仲尼曰知治之道也夫棄灰於街必掩人掩人
人必怒怒則鬪鬪則三族相殘也此殘三族之道雖刑
之可也且夫重罪人之所惡也而無棄灰人之所易也
使人行其所易而無罹所惡此治之道也又曰殷法棄
灰於公道者斷其手于貢曰棄灰之罪輕斷手之罰重
古人何太毅也曰無棄灰所易也斷手所惡也行所易
不闕所惡古人以為易故行之第五倫客河東寔名
姓稱王伯齊載鹽往來太原上黨道所過輒為糞除陌

上

靈山

斜谷

司馬相如傳畧定西南夷通靈山道
封敎傳歷平盧興元節度使初鄭

涯開新路水壞其棧敎
更治斜谷道行者告便

立銅表

植槐木

魏志曰文
帝迎薛靈

芸大道傍一里置銅表五尺以志里數北史韋孝寬
為雍州刺史先是路側一里置土堠經雨頽壞每煩修
之自孝寬臨州乃敎部內當堠處植槐木代之既免修
復行旅又得庇蔭周文後見怪問知之曰豈得一州獨

爾當與天下同之於是分諸州道路一
里植一木十里植二木百里植五木焉

龜背得路

龍尾垂地

韻府黃赭入山迷路忽見大龜駢其背路即
在向從行十餘里得蹊路而出賈氏談錄

含元殿側龍尾道自平階凡屈曲七轉由丹鳳門北望
宛如龍尾垂於地焉兩垠欄檻悉以青石為之至今石

柱猶存焉

迢遞

修迴

迢遞長也曠瞻迢遞
迴長遠也路遠迢迢而修迴

會達

阻塞

四會五達道路通於遠近之
謂路梗謂道路阻塞也

邈倚

危阻

邈倚

一高一下一曲一直長遠也道邈
倚以正東又曰踐蹊隧之危阻

畏途

迷路

畏途
險峻

可畏之途也畏途巉巖不可攀仙途亦曰
畏途丘希範曰迷路知返往招是與

迷途

失

路陶潛歸去來辭實迷途其未遠覺
今是而昨非杜詩失路武陵源

連雲

侵星

連雲

棧在漢中府褒城縣舊有棧閣二千九百八十九間鮑照詩曰侵星赴早路

桃李成桑

麻映

謝玄暉詩桃李成蹊徑桑麻映道周

望芝田

俯青郊

唐詩迢迢芊路望芝

田路熟

杜詩緣紅

秦棧

蔣徑

秦棧即棧道也

唐詩芳

應同蔣
詞徑

古馗

經途

古馗

古馗

經途都邑中直道也

紫路

霧街

紫路帝京也藝文曰心馳紫路霧街路也曜靈軒於霧街

複道

夷塗

阿房宮賦複道行空不霽何虹夷塗即平塗也

入山煙

行木杪

唐詩

曰鳥路入山煙
杜詩路危行木杪

道路四

原詩宋謝靈運入東道路詩曰整駕辭金門命旅惟詰

朝懷居顧歸雲指塗沂行飈屬值清明節榮華感和韶

陵隰繁綠杞墟囿粲紅桃鷺鷥翬方雉纖纖麥垂苗隱

軫邑里密緬邈江海遼滿目皆古事心賞貴所高魯連

謝千金延州權去朝行路既經見願言寄吟謠 鮑照

還都道中詩曰昨夜宿南陵今旦入蘆洲客行惜日月

崩波不可留侵星赴早路畢景逐前儔登艫眺淮甸掩

泣望荊州絕目盡平原時見遠煙浮 又還都在路詩

曰夕聽江上波遠極千里目寒煙警窮谿爽氣起喬木
齊謝朓休沐重還道中詩曰還邛歌似賦休汝車騎
非霸池不可別伊川難重違汀葭稍靡靡江葉復依依
田鵠遠相叫沙鳩忽爭飛雲端楚山見林表吳岫微歲
華春有酒初服偃郊扉梁沈約循役朱方道路詩曰
分繻出帝京升裝奉皇穆洞野屬滄溟聯郊遡河服日
映青丘島塵起邯鄲陸江移林岸微岩深煙岫複歲嚴
摧磴草午寒散嶠木紫蔚夕颺卷蹉跎晚雲伏霞志非

易從旌軀信難牧豈慕淄宮梧方辭兔園竹羈心亦何
言迷蹤庶能復 隋孫萬壽東歸在路詩曰學宦兩無

成歸心自不平故鄉尚千里山林猿夜鳴人愁慘雲色
客意慣風聲羈恨雖多緒俱是一傷情 唐李百藥途

中述懷詩曰伯喈遷塞北亭伯之遼東伊余何為客獨
守雲臺中途遙已日暮時泰道斯窮拔心悲岸草半死
落巖桐目送衡陽雁情傷江上楓福兮良所伏今也信
難逢丈夫自有志寧傷官不公 增元稹長安道詩曰

漢家宮殿含雲煙兩宮十里相連延晨霞出沒弄丹闕

春雨依微自甘泉春雨依微春尚早長安貴遊愛芳草
寶馬橫來下建章香車却轉避馳道貴遊誰最貴衛霍
世難比何能蒙主恩幸遇邊塵起歸來甲第拱皇居朱
門歲歲臨九衢中有流蘇合歡之寶帳一百二十鳳凰
羅列含明珠下有錦繡翠被之燦爛博山吐香五雲散
麗人綺閣情颺颺頭上駕釵雙翠翹低鬟曳袖迴春雪
聚黛一聲愁碧霄山珍海錯棄藩籬烹犢炮羊如折葵

既請列侯封部曲還將金印授廬兒歡榮若此何所苦
但苦白日西南馳 宋歐陽修奉使道中作詩曰執手
意遲遲出門還草草無嫌去時速但願歸時早北風吹
雪犯征裘夾路花開回馬頭若無一月還家樂爭奈千
山遠客愁 又曰為客莫思家客行方遠道還家自有
時空使朱顏老禁城春色暖融怡花倚春風待客歸勸
君還家須飲酒記取思歸未得時 元熊鉉越州道中
詩曰野田秋溜正潺潺新翠喬林繞舍環淡日凝煙橫

別浦斜風吹雨過前山
柴扉初放牛羊出
漁艇方攜蟹蛤還
自笑平生好遊覽
天教長在水雲間
元好問陽

瞿道中詩曰長路伶俜裏
羈懷蒼莽中
千山分晚照萬
籟入秋風
頻見參旗縮
虛傳朔漠空
故園歸未得
細問北來鴻
又藥山道中詩曰西風砧杵日
相催著破征衣整未迴
白雁已銜霜
信過青林間
送雨聲來
又岳山道中詩曰野禾成穗
石田黃山木無風雨氣涼
流水平岡儘堪畫
數家村落更斜陽
耶律楚材王屋道中

詩曰勝克河中號令齊神兵入自太行西昏昏煙鎖天
壇暗漠漠雲埋王屋低風軟却教冰泛水寒輕還使雪
成泥行吟相像覃懷景多少梅花拆玉溪 劉秉忠嶺
北道中詩曰雨霽輕煙鎖翠嵐五更殘月照征驂王戈
定指何方去天意仍教我輩參霸氣堂堂在西北長庚
朗朗照東南江山如舊年年換誰把功名入笑談 郝
經滿城道中詩曰十二西郎縹緲中顏行壁立插晴空
欲攜天地諸山去不逐秦鞭過海東 趙孟頫清河道

中詩曰揚舲清河流開蓬素秋曉爛斑被厓花委蛇順
流藻天清去雁高野闊行人小故園歸有期客愁淨如
埽 張養浩中都道中詩曰細草和煙展翠茵雜花勻
簇道旁春鳴禽曠野棲無樹破屋荒山住有人露濕敝
袍寒襯月風餐行鉢暗凝塵去年閩海今沙漠贏得霜
華鏡裏新 薩都拉吉安道中詩曰西風吹雁不成行
萬里孤舟下夕陽度峽冷風欹客帽卷簾涼月落琴牀
江湖水滿鷗偏樂花柳春深馬正忙又看青原山色好

故鄉歸計喜相將 黃鎮成東陽道中詩曰出谷蒼煙

薄穿林白日斜岸崩迂客路木落見人家野碓喧春水

山橋枕淺沙前林鳥柏熟疑是早梅花 明汪廣洋嶺

南道中詩曰過盡梅關路難行喜順流滬江元到海橫

石不容輟嶺樹垂紅果汀沙聚白鷗從來交廣地還是

古揚州 張羽金陵道中詩曰孤舟曉出古關西江樹

蕭疎遶壞堤七國岡前寒雪霽三茅峰頂暮雲齊酒家

寂寞人稀醉車馬縱橫客易迷迢遞漸看宮闕近月明

時聽夜烏啼

原碑陳徐陵丹陽上庸路碑曰臣聞在天成象咸池屬
於五潢在地成形滄海環於四瀆國險者固其金湯儲
蓄者因於轉漕貨財為禮專俟會通厥田為上皆資滲
漉大矣哉坎德之為用也是以握圖之主財以利民御
斗之君因之顯敬上哉少昊初命水官述矣高陽爰重
冥職舜為太尉於是九澤載疏禹作司空然後百川咸
導開華山於高掌鑿靈沼於周原莫匪神功皆由聖德

我大梁之受天明命勞已濟民有道稱皇無為曰帝若
夫雲雷草創翦商黜夏之勲鑄寶鼎於昆吾安能紀勒
陳鳴鐘於豐岳豈識揄揚斯固名言之所絕也及乎膺
斯寶運大拯橫流屈至道於汾陽勞凝神於藐射聖人
作樂簫韶備以九成盡禮春官總於三代豈止金門桴
竹玉尺調鐘公帶獻明堂之圖匡衡建后土之議若斯
而已矣天降丹鳥旣序孝經河出應龍乃弘周易若夫
固天將聖垂意藝文五色相宣八音繁會不移漏刻纔

命口占御紙風飛天章海溢皆紫庭黃竹之詞晨露卿
雲之藻漢之兩帝徒有詠歌魏之三祖空云詩賦以為
彭老之教終沒愛河儒墨之宗方難火宅豈如五時八
會之殊文天上人中之妙典雪山羅漢爭造論門鷲嶺
名僧俱傳經藏香象之力特所未勝秋兔之毫書而莫
盡忠信為寶穰祈免於白駒明德惟馨山川舍於駢犢
至如月離金虎泥染石牛蒼蔚朝興滂沱晚至而清蹕
纔動纖羅不搖高閑將臨油雲自闕陽鳥馭日寧懼武

賁之功飛雨蔽天無待期門之蓋震維舉德非曰尚年
若發居鄴猶莊在漢濤如白馬旣凝廣陵之江山曰金
牛用險梅湖之路專州典郡青鳧赤馬之船皇子天孫
鳴鳳飛龍之乘莫不欣斯利涉玩此修渠乍擁節而長
歌乃縱金而鳴籟斯實曠世之奇功無疆之鴻烈者也
銘曰后王降德于衆兆民高文象緯妙義幾神業冠遷
夏功踰入秦時維大畜象及同人慧雨方雷禪枝獨春
帝德惟厚皇恩甚深觀乎禹迹見我堯心

封疆一

增說文曰封爵從之從土從寸徐曰各之其土也寸守其制度也隸作封從圭所執也疆界也 又曰封分封也兩國之界曰疆 周禮曰大司徒制其畿疆而溝封之注溝穿地為阻固也封謂起土界也 又曰凡建邦國以土圭土其地

而制其域諸公之地封疆方五百里其食者半諸侯之地封疆方四百里其食者三之一諸伯之地封疆方三百里其食者三之一諸子之地封疆方二百里其食者

四之一諸男之地封疆方百里其食者四之一 又曰
形方氏掌制邦國之地域而正其封疆 又曰職方氏
乃辨九服之邦國曰侯甸男采衛蠻夷鎮藩在王畿外
各方五百里 大戴禮曰五十里為疆 書曰侵于之
疆 詩曰徹申伯土疆 又曰侵自阮疆 前漢書曰
同十為疆疆十為畿畿方千里 又曰分境畫疆

封疆二

原白帖曰燕莊王送齊桓公入齊境公曰非天子命諸

侯相送不出境吾不可以無禮於燕於是分溝割燕君所至地與之 增左傳曰宋鄭之間有隙地宋鄭為盟

曰勿有是

注各勿有之

史記曰趙武靈王北破林胡樓煩

築長城自代傍陰山下至高闕為塞而置雲中雁門代郡 又曰始皇帝使蒙恬將數十萬衆北擊胡悉收河南地因河為塞築四十四縣城臨河徙謫戍以克之因邊山險塹谿谷起臨洮至遼東萬餘里 廣記曰馬援到交趾立銅柱為漢之極界 後漢書曰馬成拜揚武

將軍屯常山中山以備北邊又代驃騎大將軍杜茂繕
治障塞自西河至渭橋河上至安邑太原至井陘中山
至鄴皆築保壁起烽燧十里一候唐書曰開元中吐
蕃請交馬於赤嶺互市于甘松嶺宰相裴光庭曰甘松
中國阻不如許赤嶺乃聽以赤嶺為界表以碑刻約其
上令金吾將軍李佺監赤嶺立碑又曰裴度以李師
道怙強請帝誅之田弘正請於黎陽濟合諸節度曰魏
博軍度黎陽即叩賊境封畛比隣易生顧望宋史曰

太祖得天下以所持玉斧畫輿地圖曰自大渡河為界此外吾不有也故二百年無外患

封疆三

原申畫

慎守

書申畫郊圻事慎守其一備其不虞疆場之

溝封

地域

俱詳封疆一

甌脫

綺分

史東胡與匈奴間中有棄地千餘里各居其邊為甌脫東胡請

於冒頓吾欲有之冒頓怒曰地國之本也遂襲滅東胡注甌脫界上屯守處文選疆場綺分

四郊

六遂

遂士掌四郊注主四郊之獄遂人掌六遂注若司六卿自遠郊達於畿中

治鄙

立封

周禮入則治都鄙注都之所居曰鄙公卿大夫采地王子弟所居邑封人中士四人掌設王

之社壇為畿封而樹之凡封國設其社稷之

何常

有定

疆場之邑一彼一此何常之有

溝洫

都家

子產

云田有溝洫注云封疆溝洫方士掌都家注四百里至五百里公所食邑都王子弟及公卿采地家大夫米

地
送迎

拓畫

侯不出疆送迎賓客單襄聘楚假

拓土畫疆

削

引辨封疆之削何國蔑有主齊盟者誰能

封人典

令尹開

穎谷封人注穎考叔也封人典封疆者彭仲爽為楚令尹封畛於汝開封畛北至汝水

宋鄭之隙

吳楚之釁

上詳封疆二氏之處女與吳邊邑妄爭桑

二家怒相滅邊邑怒而攻吳楚之釁始於邊女

入境割地

無主啟戎

上詳封疆

二疆場無主則啟戎心

天子經畧

諸侯撫封左

增井疆

里疆

尚書曰殊厥井疆戴禮曰五十里為疆

大

表助險固

提舉封數

周禮制其畿助險固也

方千里而封樹之注樹木溝上所以表東方朔曰提舉四方之內總其封數

四疆

九服

禮夏官職方封其四疆又曰職方氏乃辨九服之邦國曰侯甸男采衛蠻夷鎮藩

在王畿外各方五百里

侵

徹尚書侵于之疆詩曰徹申伯土疆

周召主

吳蜀界

公羊傳自陝而東周公主之自陝而西召公主之衡山縣有銅柱吳黃武二年程普與蜀將

關羽

閉玉關

立銅柱

和帝朝匈奴入寇河西議者因欲閉玉關以絕其患廣

記馬援到交趾立銅柱為漢之極界

恢復

開拓

本紀宋文帝有恢復河南志詔簡甲卒五

萬給右將軍到彥之使告魏主曰河南舊是宋土中為
彼所侵今當收復舊境不闕河北魏主大怒曰我生髮
未燥已聞河南是我疆土豈可得
房玄齡疏陛下拓地開疆亦可止矣
分境畫疆 據

險斥地

前漢地里志分境畫疆唐記王忠嗣徙河東
節度自雲中至朔方袤廣數千里據要險築城

堡斥地
甚遠

取漢南

界河北

本傳曰唐薛仁貴奪取漢
南之庭於河北築三受降

城首尾相應以絕南寇之路
與突厥以河為界河北岸有拂雲神祠突厥將入寇必
先詣神祠祭酹福因
牧馬料兵而後渡河

赤嶺界碑

玉斧畫地

俱詳
前二

易生顧望

欲無侵漁

唐紀裴度以李師道怙強請帝
誅之田弘正請於黎陽濟合諸

節度曰魏博軍度黎陽即叩賊境封畛比
金節要朝廷始議割地但云燕雲兩路而已初謂燕


山之路盡得關內之地殊不知關內之平州與燕山異
路也由是破遼之後金人復得平州路金既據平州則
關內之地蕃漢雜處
欲無侵漁之患得乎

御定淵鑑類函卷三百五十二

謹案第二十頁前五行謹傳廣東西刊本謹訛誰
六行魚龍亦驚逃刊本逃訛兆並據東坡集改
第二十頁前八行幾人隕沙泥刊本隕訛如據東
坡集改

第二十頁後六行鐵柱羅浮西刊本羅浮訛浮羅
八行蕭然無尺筆刊本筆訛壁並據東坡集改
第二十一頁前一行百夫下一杙刊本夫訛尺杙
訛杙據東坡集改





總校官庶吉士臣張能照

校對官庶吉士臣陳墉

謄錄監生臣江軾